

Lašielis

Šelmis vakarēnē lītaus lašielis palaižē kakta,
Vingorioudams par nuosi, pagluostē lūpas.
Neklausiau mažiaus ēš kuokē dēbesēis atklīda,
Žēnuojau, ēš tuo patēis, kor vakar sotēkau...

Lašeliou ēš paskuos atskubiejē nepasakītē žuodē.
Apsēdžiaugiau, kad anus tegērd žovelēs Bartuvuo,
Kinietēška granita brukis, prēgolēs Bērotas gatvie
Ēr plastmasēnēs kvietkas, ēšdīgosēs pri Mūra krīžiaus.

Nelaukiau, kol atslinks paniorēs negonduos šešielis,
Ouzoula vēršūnie patopdīau balta golbēs plunksna...
Gal rītuo kas ont dongaus auksa raidiem parašīs laiškieli,
Katrou ožmērštēje galietom priš mēiga paskaitytē.

Laiškē sožēnuosi, kou galvuo zīlēlē, belsdamuos i longa,
Dēlkuo saulē šīpsuos, gluostīdama žmuoniū mintis,
Kou reišk varvekliaus i tava delna ēšlašiets gīvenēms,
Kas notēks, jegu laikruodis ožmērš skaičioutē valondas...